

馬石田先生集

卷之四

七

田家樂

八

馬石田文集卷第七

章疏

請慎簡宮寮疏

伏覩延祐三年十二月十九日皇太子正位春宮百司
上篆稱賀禮畢欽惟列聖繼統治功大洽文恬武熙百
年于茲矣聖天子高覽古今聿國之樂發達天下之本
日月之明無以比德皇太子殿下溫文仁孝天賦美資
急宜招延天下碩德雅望文采博通之士朝夕起居以
侍左右輔養懿美薰陶冲和三代紹述厥要惟茲傳云
成王始為太子也太公為師周公為傅召公為保伯禽

唐叔與遊目不閱淫豔耳不聞優笑居不近庸邪及爲君也血氣既定游習已成雖有放心不能奪已成之性今皇太子殿下春秋鼎盛神明日彊道德之言禮樂之事當豫謀而速親其方不過求賢而已伏乞今後議行建立宮寮之時公集大臣覈求名實相副端能調護羽翼儲闡之才以係四海之望所謂下官臣僕亦宜精擇而不可雜以商賈冗瑣之流天下休戚之源實在於此卑職草萊賤士誤被拔擢敢不盡言少絰重責

達白一十五事

竊惟古者建立言事之官非徒擿拾百官短長照刷諸

司文案蓋亦拾遺補闕振舉継維上有關於社稷下有
係乎民人禮文風俗治體所存名爵謚贈政理斯在教
化有方則善惡自別設施有法則緩急自明重穀則農
自勤定制則官自守修武則先恤兵嚴試則可勸吏事
欲究其本未言似涉於繁蕪統論難悉條析易陳所有
建白事一十五件逐一開具如左合行具呈憲臺照詳
伏請聞奏施行

一夫惟天子者上承天下紹祖宗社稷是寄黎庶是
戴崇高尊大無與比隆奉養當極其精美保愛當極其
嚴密大而一飲一食小而一嘵一笑呂調攝聖體凝順

中和則清明在躬淑善咸應欽覩皇上仁心如堯儉德
如禹伏願重以承天地祖宗之鴻業於進御之間當以
玉食宜乎榮衛者為先至於酒醴固是穀麥所釀然更
乞於進御之際命近侍臣隣思一獻百拜之義則天下
生靈不勝幸甚

一郊祀者國之大禮在古所隆欽惟聖上仁慈孝敬度
越百王伏願今後郊祀之日大駕親有事於南郊親裸
於太室則天地荅貺神明降禧薄海内外咸仰聖德太
平之福群生幸甚

一大內正衙古之帝王朝百官之地今大明殿是也觀

關盤欝城雉繚環祖宗之所御黎庶之所瞻今聖上謙德弥恭尚居東宮之舊竊憲民物觀聽有所未喻伏願賜御大明正衙鎮服華夏統體天地何以言之辭日月星辰順居次舍則萬物被光群生仰明也

一百官朝見奏事古有朝儀今國家有天下百年典章文物悉宜粲然光于前代况欽遇聖上文明之主如科舉取士吏貟降等之類屢復古制惟朝儀之典不講而行使後世無所鑑觀則於國家太平禮樂之盛實為闕遺且夫群臣奏對之際御史執簡史官執筆縉紳珮玉儼然左右則雖有懷姦利乞官賞者亦不敢公然出諸口

如蒙聞奏命中書省會集文翰衙門官員究講參酌古今之宜或三日二日一常朝則治道昭明生民之福也一古之為治蓋有禮樂非徒事刑法之末也夫有道之世措置施設悉存禮樂之義欽惟聖上君德昭然孝慈純備嚮居潛邸招致天下儒學之臣延納海內知名之士禮樂文物洽乎聖性情一作故踐位以來進儒術而抑吏道却珍禽而絕遊畋清心寡欲民物豐阜其用儒之效固已驗矣獨未聞今皇圖左右天下儒學之臣有幾海內知名之士有幾伏願憲臺聞奏乞賜依准治古之法命朝臣集議典制請行皇太子視學齒胄之禮明示

天下教化之本雖道德之躬仁孝溫文固已篤至然聞見習熟又在薰陶此實係國家萬世之福卑職先上章疏特請選擇師傳左右之人至今未蒙施行然區々之情實念及此不勝切至之甚

一中書省樞密院御史臺三府掾史雖職掌文書亦日佐大臣決理政務伏請聞奏設立律學筭學博士命隨朝二品三品正流衙門吏人欲求轉補三府掾史者就其所業於律學筭學博士之前應試依科舉差監察御史監試吏禮部官知舉每一周歲試舉一次則三府有得人之實下無躁進營求之私試中之人不必限以出

身之高下不中者數下本役考滿不得過從七品仍預照會施行則立賢無方公道不偏

一諸道宣慰司除吐蕃南詔兩廣福達外如淮東浙東荆南山東四道並為無用徒月費俸廩坐養官吏而已如依准前代之制就令一道重鎮路分總管達魯花赤帶受本道宣慰使等職名鈐轄路上不煩朝廷虛設職官人吏下不使數路官府牽制煩複無益於事

一諸翼軍官自萬戶下至百戶子弟承襲父兄之職者合參酌古今之宜設立武舉並須習學兵法武藝如蒙古色目人只試以武藝如願試兵法中者陞階漢人兼

試兵法武藝中式者方許承襲如布衣之士願試及中
者於各翼或不叙或戶絕等歇空相因名闕內擢用如
此庶使武備不弛軍政稍嚴保大寧功之事為體不輕
必若今日難於更張則四方宣力老將既已病死承襲
驕脆子弟但知酒色裏馬為華好一旦真欲冒矢石執
干戈以犯勍敵不惟本人自取肝腦塗地從軍將吏死
復何辜卑職厯觀前古之迹其禍患弊病未有不生于
太平之世竊憲及此伏乞施行

一司徒司空皆古三公之流人臣名爵無與以位比者聖上
踐祚之初沙汰冗濫尤慎此官近歲屢有雜人等如沈宗攝

汪元昌輩亦受司空司徒切憲天下後世傳為口實非便

一親民之官守令為急然守令者緣係朝廷遷除之人
才或不良心亦知懼而行省所差府州司縣提控案牘
都吏；目典史之徒往往恃其名役之細微縱其姦猾
舞文弄法操制官長傾詐庶民蓋此徒出自貼書小吏
數十年間轉充是役卑職頃居田畝嘗聞此等言曰我
等身無品級子無蔭叙原此初心謂之無賴而令竊弄
府州司縣之權剥刻單弱以肥其孥良可憫歎如蒙聞
奏命中書省除各路存畱流官經歷知事照磨外其餘
革去請參酌古制令各州判官僉書州事各縣主簿勾

稽本縣文簿實為官制不紊體統稍均人既有名事自
不苟為係於民不細伏乞施行

一命將守邊國之司命然御將之方當盡其道毫銖一
失利害懸絕要先知其艱難勞苦之情平居使之順其
逸樂畧其深文密法而不責其小廉曲謹然後効死也
易是為御將之道夫將不可不擇也擇而用之勿疑不
疑則專；則重；則可倚；之而不効則名而殺之無
輕召之理今近歲連召北邊大將似涉輕易古語云臨
敵易將非策也竊憲及此伏乞聞奏施行

一漢軍征戍嶺海之南歲病而死者十率七八其所屬

軍官利在危殆之際必用資財擬指軍人北上本家所
有孳畜田產厚息借貸准折還納終致破產不敢有詞
夫以世襲軍官蚕食部下行伍深可哀痛今後如蒙將
在嶺海及漳汀等數處征戍軍人果有病患除官為看
醫外其貧苦闊用之人比及取發封裝以來宜令本處
有司約量借放封裝到日撥除還官並不收息或應借
貸而不借貸不應借貸而借貸者從本道廉訪司體察
究治如此庶不致中原軍戶日蹙軍官日富

一侍衛親軍根本所係宜令各衛指揮使立時教閱練
習武藝齊力訓養精銳則萬一倉卒得用仍除鎮衛守

把外一令與官員作工蓋造役使勞苦幸甚

一太常定謚古今美制欲使姦人知懼於死後善人有勸於生前近歲謚號之稱不公殊甚如今後太常定謚不公宜令監察御史糾彈庶使輿情稍伸國典不曠

一農穀天下之本也四民則以農為次百貨則以穀為首操帛布之重輕閑生民之休戚者穀為急焉而近年工商滌侈游手衆多驅壠畝之業就市井之末蓋為政者失勸農之道焉今後乞將各路府州縣達魯花赤專管諸軍奧魯總管知府知州縣尹專勸農事既歸一功仍可就更謂究重穀勸農之方畫一開坐行下有司

遵守如民有馬牛驟畜逸相食踐田苗并此彼此爭告田
土疆界不實等罪名及民間婚姻債負施欠金銀資財
許得以穀贖罪准折輕賚之類果有力田之人縣州勸
農官等就於見在錢糧內撥賞束帛豚酒然後開申不
實者許廉訪司體察如此旌異慰勞行之數年必有成效

請量移流罪

禮樂刑政治國之具有一不修則施法度欽惟國朝有
天下以來不嗜殺人仁覆生齒涵濡煦育洽然大和而
於用刑尤切慎重然伏見近年頒降德音中間屢無量
移流徙之文竊慮聖人愛物之仁推恩未悉有傷至化

夫大辟死罪或被赦原釋然歸保妻子而減死流罪竟無寬宥不得生還里閭此豈法之平允哉乞今後如有例令長流罪惡別請定擬長流條例其不應長流者亦請驗情輕重度地善惡每遇恩澤輒行量移如蒙檢舉典故施行則天下生靈幸甚

辨王左丞等

竊聞傳云王臣蹇蹇匪躬之故國家實賴焉夫便佞辨給徒利一已視國與民漠然如無情者國家何補哉伏見中書左丞王伯弘前中書平章政事拜住曩在政府常以直言正色力持公平與權臣帖木迭兒抗論可否